



36795

I

Mag. St. Dr.

P

*... grane. Michi Benefi-  
cia optima collocata vire de ma-  
xima erga Leopolienses benefi-  
centia divi Stanislai Kostkæ.  
Leopoli 1751.*



Test. 2989.



IX. D. 27

796.

# BENEFICIA

OPTIME COLLOCATA

*Sive*  
DE MAXIMA  
ERGA LEOPOLIENSES  
BENEFICENTIA




*Divi*  
STANISLAI  
KOSTCÆ

*Societate JESU;  
Nec non*  
DE EXIMIA ERGA EUNDEM DIVUM PIETATE  
LEOPOLIENSIIUM,  
ORATIO.

AUTHORE P. FRANCISCO MICHAEL LESNIEWSKI Soc: JESU,  
In KROSNOVIANIS Collegii Leopoliensis Scholis Eloquentiæ Professore.  
LEOPOLI, typis Collegii Soc: JESU. Annô M. DCC. LI. Jdibz. Martiis.





QUænam Oratio par sit A-  
dolescentis laudibus, quem  
DEUS tam felici sorte di-  
gnatus est? Non est ulla:  
sed age, num idcirco file-  
bimus?

*S. Joan: Chrysost: de S.  
Philogono.*





EXTINXERUNT IMPETUM IGNIS



Sancti SS. JONATH. X. AVERII & STANISLAI KOSTKE, supra Leopoli  
fame, peste, et incendio percutientem An. Dom. 1623 die 28 Augusti.

I. Filipowicz Sc. Leopoli.



**H**ic est Fratrum Amator, & Populi Israël: hic est, qui multum o-  
rat pro Populo, & universa Sancta Civitate. 2. Machab. 15. 14.

Posuit Castra sua in medio Populi sui, ut eriperet nos de manu omni-  
um inimicorum nostrorum. Judith: 16. 4.

Repulsi sunt inimici--præ timore ejus, & omnes operarii iniquitatis  
conturbati sunt, & directa est salus in manu ejus. 1. Machab. 3. 6.

Multis post obitum miraculis, in sua præsertim POLONIA, enituit:  
ejus armis, contra formidabiles Turcarum exercitus spectabilis & Cælo  
affuit non semel, & Civitates alias peste, alias incendiò liberavit. Quam  
ob rem CLEMENS X. eum inter primarios Regni Patronos constituit.  
Breviar. Rom. de S. STANISLAO KOSTKA.

**T**u gloria Jerusalem, tu læticia Israël, tu honorificentia Populi nostri.  
Judith: 15. 10.

Si irruerint super nos mala, gladius judicii, pestilentia & fames; -- cla-  
mabimus ad Te in tribulationibus nostris, & exaudies, salvosq; faci-  
es. 2. Paral: 20. 9.

Multorum beneficiorum indigemus: intercede, ac deprecare pro PA-  
TRIA apud communem Regem & Dominum. -- Timemus afflictiones:  
expectamus pericula: non longe absunt scelesti Scythæ, bellum adversum nos  
parturientes. -- propugna pro nobis. -- utare libertate loquendi. -- Pe-  
te pacem, ut Publici Conventus non desinant: nè debacchetur, atque  
grassetur adversus Tempia Altariae rabiosus & sceleratus barbarus: nè  
conculcet Sancta profanus, & impius. Nos enim etiam quod incolum-  
es, & integri conservati sumus, Tibi beneficium acceptum referimus.  
Petimus autem, etiam futuri temporis præsidium atque securitatem.  
Quodsi majore etiam opus fuerit Advocatione ac deprecatione; Fra-  
trum tuorum coge chorum, & cum omnibus una deprecare. S. Gre-  
gor: Nissen: de S. Theodoro M. ad finem.

Protegam CIVITATEM ISTAM, ut salvem eam. Is: 37. 35.  
Et erunt oculi mei & cor meum ibi cunctis diebus. 3. Reg. 9. 3.

Gloriosa dicta sunt de Te, Civitas. Ps: 86. 3. Vocaberis Civi-  
tas Justa, Urbs fidelis. Jf: 1. 26. Et proteget te in sempiternum Eccli: 27. 9.

36.795 T.



ILLUSTRISSIMO  
NOBILISSIMOQUE  
COLLEGIO  
LECTISSIMORUM  
SENATORII

&  
EQUESTRIS ORDINIS  
ADOLESCENTUM

AD  
MULTIPLICEM LITERATURAM ARTESQ;

LIBERALES;  
IMPRIMIS. VERO

AD  
OMNIGENAM CHRISTIANAM VIRTUTEM  
LEOPOLI SUB CURA PP. SOCIETATIS JESU  
STUDIOSE SE SE EXCOLENTIUM

ID EST:

IL-

ILLUSTRISSIMIS  
EXCELLENTISSI-  
MISQUE

DOMINIS

PHILOSOPHIS.

ANTONIO SZCZENIOWSKI, *Tribunide Zytomiriensi.*

IGNATIO SZCZENIOWSKI, *Tribunide Zytomiriensi.*

ELOQUENTIAE AUDITORIBUS

MICHAELI STADNICKI, *Castellanide Sanocensi.*

CAJETANO SZEPTYCKI, *Pincernide Leopoliensi.*

JOANNI KRZUCKI, *Ensfiferide Podlachiae.*

ALEXANDRO USTRZYCKI, *Dapiferide Vinnicensi.*

MARCELLINO FAŁECKI, *Subdapiferide Zytomiriensi.*

JOANNI KASZOWSKI, *Subdapiferide Dobrinensi.*

NICOLAO SZUMANCZEWSKI, *Subdapiferide Nurensi.*

POETIS.

JOANNI ROSNOWSKI, *Dapiferide Sanocensi.* J).



JOANNI ŁASKI, *Venatoridæ Trebovliens.*

## SUPREMÆ CLASSIS GRAMMA- TICIS.

ANTONIO ŁOS, *Castellanidæ Camenecens.*

IOACHIMO ŁOS, *Castellanidæ Camenecens.*

CAJETANO MIERZEIEWSKI, *Capitaneidæ Uszycens.*

IGNATIO KOSZUTCKI, *Pocillatoridæ Poseniens.*

NICOLAO KOMOROWSKI, *Venatoridæ Buscens.* (dens.)

IGNATIO CHRZANOWSKI, *Capitaneidæ Czerwonogro-*

*FRANCISCO RZECZYCKI, Capitaneidæ Poturinen.*

IOSEPHO FAŁECKI, *Subdapiferidæ Zytomiriens.*

## MEDIÆ CLASSIS GRAMMA- TICIS.

LAURENTIO CHRZANOWSKI, *Capitaneidæ Czerwono-*  
*grodens.*

SIMONI WOIAKOWSKI, *Ensisferidæ Vislicen: Judicidæ*  
*Czerniechoviens.*

## INFIMÆ CLASSIS GRAMMA- TICIS.

ANTONIO KARCZEWSKI, *Capitaneidæ Prusimov. Suc-*  
*centurioni Legionis M. D. L. Majoris Clavæ.*

ADAMO DUNIN BORKOWSKI, *Subdapiferidæ Zyda-*  
*czeviens.*

IL.

## ILLUSTRISSIMI NOBILISSIMI DOMINI



HAUMATURGUM Poloniae, & hujus  
inprimis Urbis tutelarem Indigetem,  
ad Nobilissimum Vestrum adduco COL-  
LEGIUM. Nec novum istud, inso-  
lensq; omnino est, octoginta \* et ampli-  
us supra centenos, annis receptum Cælo STANISLA-  
UM hospitari alicubi in imis istis velle Terris. Id  
jam illi, pro maximo quorumvis mortalium, &  
Polonorum inprimis adjuvandorum studio, usuve-  
nisse alias, compertum est. Pulsavit non ita pri-  
dem Collegii nostri Cremenecensis januam: & pere-  
grini cujusdam Adolescentis, supra humanas omnes  
gratias amabilem indutus speciem, ut Testō excipe-  
retur nostrō, à Moderatore Collegii postulavit. Ecce  
autem eo ipso momento temporis, pulcherrima illa  
sua effigies, quæ innumeris jam ferme prodigiis non  
Cremenecensem duntaxat Urbem, verum totam quo-  
que collustravit Volhyniam, ad eandem affertur  
januam. Id disertè videlicet, quin prodigiosè etiam,  
præceptum sibi à STANISLAO fuisse pluries, asse-

[\* Obiit enim A. D. 1568. inter XIX. & XVIII. Kalendas Septembres.  
vera-



verabat Vir nobilis: quin religione etiam iurisdictioni interposita confirmabat. Ecce KOSTKAM pro sua Imagine, seu pro fortunandis potius per illam suis, prodigiosè sollicitum.

Quid verò istud, quæso, est, Adolescentes lectissimi, quod Vobis ego hodie nuncupare aggredior, si non pulcherrima Imago quædam, hinc quidem Thaumaturgi KOSTCÆ, ad usque prodigia erga Leopolienses benefici: inde autem Leopoliensis Urbis, ad usque religiosos Dulciæ cultus, erga KOSTKAM gratissimæ? Imago, inquam, ista est, non Apellis cuiuspiam deformata coloribus; verum ab una luculentis planè miraculis, ab altera verò parte nobilissimis religionis officiis distincta tota. In ea Vobis, jam ex aëris pestilentia laborantis istius Urbis Cælestem Archiatrum; jam in summa rei cibariæ inopia Divinum Opsonatorem Promumque; jam in horrendis incendiis prodigiosum Avertendum; jam contra furores bellicos invictum Propugnatorem depingo STANISLAUM.

Eum igitur pro hac quoque sua Imagine, gratiosè à Vobis recipienda, iterum Nobilissimi Vestri Collegii pulsare fores, existimate Adolescentes lectissimi: & pro vestra in eum pietate, officiosè excipite. Certè istud qualequale opusculum; istam, inquam [ut cæptæ insistamus allegoriæ] beneficiorum illius Iconem; etsi pro mea dicendi arte rudissimam;  
pro

pro argumenti tamen, quod in ea depinxi, ratione mirabilem, vel ipse, delapsus cælo, Vobis dicendam præcipiat STANISLAUS. Ut enim isthic, ad vanissimi adulatoris notam apud ignaros, aut malevolos evitandam, silentio prorsus præteream, eam esse vestri Sanctitatem Collegii; ut vel Cælites hospitari in eo libenter velint: quenquàmne mortalium propius quàm Vestrum Cætum, istud orationis meæ contingit argumentum? Urbem istam pulcherrimam, imò totum, quàm latè patet, Regnum, suis ornans & muniens beneficiis depingitur hic à nobis KOSTKA. Quod verò pulchrius Urbis ejusdem ornamentum est hodie, quàm quod à vobis capit illa? Quod firmitus Regno paratur Præsidium, quàm quod Vestra egregia pollicetur indoles, promittit eruditio, spondet virtus? Certè quidem in KOSTKANIS id beneficiū non sine causa quis numeret; quòd Nobilissimo hoc Vestro Collegio aucta sit nuper(\*) Leopoli: ornatum, imò munitum Regnum. Senatoribus quippe amplissimis, aut nobilissimis prognati Equitibus, Majorum aliquando Vestrorum sumetis Provinciam; inibitis Magistratus: suscipietis curas: tuebimini, imò (ut pulcherrimæ in vobis dotes omen faciunt) augebitis quoque Gloriam. Inde verò quas in spes non assurgat Respublica? quæ non certissime à vobis expectet ornamenta? quæ non sibi polliceatur præsidia? Quodsi autem non percepta solummodò, verum sperata quoque non ex vano, DEO Divisque accepta ferri par est bona; jam in confesso



est, quantam, secundum Divinum Numen, Divis quoque tutelaribus, ac Principi in primis horum KOSTCÆ, habere pro Vobis gratiam teneatur Polonia.

Sed mitto hæc publica, cum ut Vestræ parcam Modestiae; tum ne, quos pridem urget, disrumpat aliquando invidia. Privatos itaque potius, privatus alloquar: quamve meritò secunda quoque sui parte istud meum debeatur Vobis Opusculum, commonstrabo. Leopoliensis in STANISLAUM Urbis eximia planè Religio Pietasque eò commemoratur locò, ac laudatur. Enimverò negare haud potestis, Adolescentes lectissimi, pulcherrimæ ejusdem Urbis, Vos principem pulcherrimamque esse partem: nisi id quoque pernegetis, primariam portionem annuli, gemmam esse: nobilissimam Regalis Coronæ partem, Uniones existere. Eò enim Vos locò non amantior Vestræ quam observantior habet Leopoli; quò & preciosissimam gemmam annulus, & nobilissimos Uniones Corona aurea. Cum autem nobilitate Natalium, Virtutumque Vestrarum promeritò; tum singulari in KOSTKAM religione cultive, Princeps Urbis istius pars existitis: nemòque magis ignarus Vestræ exsisterit, quam qui istud nesciverit.

Imò verò Eum ipsum, quem tam studiosè Vobiscum colit, videri quodammodo à se in Vobis, & miratur, & gaudet, & ultro tota fatetur Leopoli. Sunt è Vobis videlicet, qui non Gentilitiis modò KOSTKARUM Insignibus gloriantur; verum \* cognatione quoque Eos attingunt, & Sanguine. Verum istud ad nonnullos dun-

taxat pertinet: universi autem, quin & singuli, quàm vivam KOSTCÆ memoriam omnibus quotquot Vos nòrunt, reficatis! quàm amabilem SERAPHICI illius ADOLESCENTIS refertis speciem! Idem in Vobis, qui in STANISLAO quondam, flos ætatis: gemella innocentia & morum candor: simillima et actionum gravitas, citra fastum; & animi moderatio, citra morositatem; & officii erga omnes prolixitas, citra turpem adulatorum consuetudinem.

Quid? quòd ultra excitatissimum virtutis studium, discendi quoque contentione maximà emulari STANISLAUM contenditis? Non studiosior ille Virtutum cultor, quàm Literarum amator existit: pulcherrimòq; fœdere simul Pietatem eximiam, simul Artes Liberales omnes adjungebat sibi. Utramque verò hanc gloriam VOS effecistis vestram. Nam cui sumptui, cui labori, quibus vigiliis, cui contentioni parcit; ut Artium bonarum omnium primam Vobis vindicetis laudem? ut in omni sciendi genere quàm politissimi evadatis? Id quidem abundè probat bibliotheca vestra instructissima, cujus eruditos codices & atterere legendo pergitis; & conquistis undequaque optimis quibuscque Scriptoribus augere non cessatis.

Locupletius tamen hujusce rei testimonium pulcherrimus, imò admirabilis vester profectus præbet. Unius duntaxat (plerique autem vix dimidi) revolutò anni circulo, eam exterarum Linguarum, eam Sacra Civilisq; Historiæ, eam Geographiæ, eam utriusque

Ar-

\* STADNICCH sanguine, LOSII utròque.



Architecturæ, cæterarumque Mathematicæ Disciplinæ partium; eam Patriæ, exterorumque Regnorum Politicæ; verbò, eam omnigenæ Philologiæ comparastis jam gloriam: ut nullum in Vobis politissimi, nullum eruditissimi Adolescentis desideretur decus. Nè quid autem ad vivam scientiæ virtutisque KOSTKANÆ imaginem desideraretur in Vobis; pulcherrima ornamenta ista non alibi, quàm in Nobilium Adolescentum Collegio, subq; PP. Nostrorum cura, duxistis esse comparanda. Id enim verò factum KOSTKANUM est. Nam Nobilissimus, Sanctissimûsque hic Adolescentulus, utriusque illius rei in Viennensi Nobilium Adolescentum Collegio, sub cura Patrum Societatis JESU, felix illud rudimentum posuerat.

Ultra autem simillima, & planè gemina, virtutum Literarumque studia, eximia quoque in KOSTKAM Pietas Religioque Vestra quàm arcte Vos cum illo colligat! Toti in clientelam illius concessistis. Ipsum Nobilissimi Cætûs Vestri adoptastis PATRONUM: ipsius Lipsanorum insignem in Vestro COLLEGIO religiosè asservatis partem: Ipsi domesticum, quod adornatis, Sacrarium dicare decrevistis: Vestrum denique in Sacrorum ipsius ossum portione habere Vos Palladium gratulamini.

Sed tempus jam est, illud Vestrum in KOSTKAM memorare officium; quò nuper Divos Vobis & homines demerulistis simul. Luce enim STANISLAO sacrâ, ubi cætera Patrono huic Vestro rite persolvissetis ob-

sequia; sub Panegyricam de illius laudibus orationem, eximium, nec Pietate solum, verum humanitate quoq; Vestrâ dignissimum, edidistis spectaculum. Ultro enim, nec invitati à me (quòd interpellare Vos de hoc non auderem) dicenti pro Rostris Oratori meo assististis. Et præ manibus quidem ardentes gessistis faces; vultu autem, imò toto corporis habitu, eum non obscure prodebatis ignem; què ardens in KOSTKAM amor incendebat. Nempe sapientissimè tum Vobiscû ipsi conclusistis, ad STANISLAI Vestri Gloriam imprimis pertinere, si quàm splendidissimè de eo, non ob Eloquentiæ modo exquisitum nitorem, verum ob exterum quoque apparatus ac pompam quàm maximam, diceretur. Inde singulari isto honore exornandum putastis, cui dicendi partes demandaveram, Oratorem.

Rependo officio huic vicem, dum eam ipsam Orationem meam hodie Vobis nuncupo. Quando enim tantopere VOS illa delectavit audita; efficiendum censui, ut quam audiendo nuper ex illa cepistis voluptatem, habere possitis perpetuam in hoc scripto.

Hoc proinde officii erga Vos mei pignus eò jam capiatis animò, quò ipse offero: quæve cepistis benevolentia, Honoris Vestri studiosissimum prosequimur.

Sum quippe ex animo Vester, ILLUSTRISSIMI, NOBILISSIMIQUE DOMINI

Perennis, Observantissimûsque Cultor  
Franciscus Michæl LESNIEWSKI Societatis JESU



COLLEGIUM NOBILIUM LEOPOLIENSE

DIVO STANISLAO  
KOSTCÆ

SINGULARI PATRONO SUO.

**K**OSTULE Siderei pulcherrime floscule campi,  
KOSTULE Terrigenum, Cœligenumque decus:  
Accipe quæ læti solvunt Tibi vota clientes,  
Quos Patrociniô protegis usque Tuô.  
Sis præsto & precibus, dum nostra pericula poscunt,  
Dum Patrociniô cernis egere Tuô.  
Immineant etenim quæcunque pericula, noster  
Et SCUTI & GLADII TE vice Cœtus habet.  
Cujus enim quæramus opem fidentiùs? aut quod  
Perfugium nobis promptius esse queat?  
Omnibûs audemus titulis Te dicere nostrum,  
Omnibûs & titulis nos Tua Turba sumus.  
Nobilis es, sumus: & Puer es, sumus: esque Polonus  
Ortu, es Convictor,\* nos quoque utrumque sumus:  
Es Socius JESU; Sociorum cura Tuorum,  
Quinimô & Socii nos (lare nempe) sumus.  
Es tandem Patriæ Patronus; aheneus Urbis  
Es Leoburgiacæ murus, & Ara spei:  
Ergo Tui hinc etiam sumus, & Tu es KOSTULE noster:  
Nam Patriæ ac Urbis pars quotacunque sumus.

\* Primum Vienna Austria, deinde (ex Romana illa peregrinatione)  
Dilingæ.

DIVUS

DIVUS STANISLAUS  
KOSTKA,  
COLLEGIO NOBILIUM LEOPOLIENSI,  
CLIENTIBUS SUIS.

**S**ic est, o mea cura! sic Clientes!  
Sic est, Deliciæ meæ, Puelli:  
Totus vester EGO, meique toti  
Vos estis! fateor: quis id negarit?

Nam quid? Nobilis, & Polonus ortu,  
Et Convictor eram Puérque quondam:  
Id quod Vos modò rettulistis ipsi,  
Et quod Vos modò lætus esse cerno.

At me plura etiam propinquiora,  
[Quod modestia Vestra præterivit]  
Vobis nomina resque colligârunt,  
Et totum benè reddidère Vestrum.

Virtutum species decora, quali  
Quondam Terrigenas beatus inter  
Effulsi: nitor ille, & ardor ille,  
Divinæ nitor ille Sanctitatis.

Castorum gravitas amœna morum,  
Candor pectoris, & modesta pulchræ  
Frontis gratia, cereûsque flecti  
Ad quævis animus bona ac honesta,  
Hæc KOSTKAM magè reddidère Vestrum.

Istis pergite recreare Cœlos:  
Istis pergite consecrare terras.  
Sic Urbi & Patriæ videbit Orbis  
KOSTKAM Præsidio esse, VOS Decôri.



Lectori Erudito

Author S.

**N**ULLA re aliâ facilius, quàm imminuti honoris opinione læduntur homines. Inde accidit, ut permulta vocabula, quibûs publici cujusquam muneris, dignitatisq; gradum vulgus exprimit, adeò scrupulosè, nè dicam religiosè usurpare cogamur; ut vel præter sermonis consuetudinem, adhibenda nonnunquam ea sint latinè loquentibus. Istius ego opinione officii si lapsus videor eò locò, ubi Nobilissimos Juvenes Paternis *Castellanidarum, Capitaneidarum*, aliisq; ejusmodi ornavi titulis; ignoscent Latinæ Puritatis Amatores. Quando enim periphrases & circumlocutiones illæ, quibûs (si Latinissimus haberi voluissim) utendum eò locò fuit, tam insuetæ, imò ingratae etiam accidissent non paucis; quàm absona Pseudopatronymicorum (ut sic dicam) illorum vocabula videntur Eruditis: utrique parti satisfacturum me credidi; si[ quod Tullius factitasse se scribit) usum Populo concessissem, scientiam reservâssem mihi: illius verò (si qua est) culpæ veniam à Latinis Musis poposcissem. Nempe, è Tullii ejusdem consilio, malebam isthic nimium videri timidus, quàm parum prudens, atq; in honorem cujusquam injurius. Id quod literatissimos quoque, gravissimosq; Viros prælegisse persæpe videas, cum in hac eadem re versarentur: & *Barones, Landgravios, Marchiones, Comestabiles*, aliq; ejusmodi in Latinum sermonem inducere, non adeò horruisse; ut à communi, populariq; usu mallet discedere. Certè apud Latinissimum Ericium Puteanum & *Castellanidas, & Palatinidas*, & plura hujusmodi, pro Latinissimis fere usurpata invenias.



# ORATIO.



Uod aliis plerisque Oratoribus non infrequenter usuenit; ut vel copiâ, vel magnitudine dicendarum rerum, omnem eloquentiæ suæ facultatem obrui, omnem vim elidi sentiant; id ipsum ego hodie, AA. in me ipse experior; posteaquam in amplissimo hoc consessu vestro, de Divino Adolescente STANISLAO



Obruor  
materiam

ubertate,

suavitate,

majestate.

Nam dicā-  
ne potius de  
sanctitate  
vita?

an de pul-  
cherrimis  
naturae, &  
gratiae do-  
ribus?

NISLAO KOSTKA dicere, induxi in  
animum. Tanta etenim, tamq; multi-  
plex argumenti hujus est varietas; ut  
unā illam oratione complecti haud qua-  
quam possim. Tanta suavitas & gra-  
tia, ut peracerbus accidat delectus o-  
mnis. Tanta majestas & gravitas; ut  
nihil omnino non eximium, nihil non  
summum videatur.

Sive quippe sublimem illam, atque  
omnib; absolutam numeris, morum &  
vitae sanctitatem, in tenello hoc Ado-  
lescente, quin Puero pæpe, spectro; ma-  
gnum istud Sapientiae Divinae prodigi-  
um universam hodie, quanta est, CHRI-  
STI Ecclesiam stupore afficit: &, MI-  
RACULA! MIRACULA! inclamare (1)  
cogit. Sive blandissimam tenerae istius  
ætatulae ob oculos mihi pono imaginem,  
supra communia non Naturae solum-  
modò, verum Gratiae quoque ornamen-  
ta, venustissimè nitescensem; hic enim-  
verò totus diffuso voluptate: & nec im-  
perare mihi delectum valeo dicendo-  
rum; nec dicenda assumere cuncta pos-

(1) Ecclesia festo hujus Sinq; sic orat: Deus qui inter  
cetera sapientia tua miracula, etiam in tenera ætate ma-  
tura Sanctitatis Gratiā contulisti, &c. sum.

sum. Nam ingentis à natura, corporis  
animiq; doribus oblectare me velim  
contemplandis? multò venustior, & pla-  
nè incredibilis ornamentorum Gratiae  
pulchritudo, speciesq; me avocat. Ipsa  
hæc Gratiae ornamenta percensere si cu-  
pio; præterquam quòd & numerò, &  
magnitudine, omnem eloquentiae vim  
excedunt; ubi & quando metiar amplis-  
sima STANISLAI in Deum Divosq;  
promerita? Ista metiri desiderem; obru-  
ar favorum amplitudine, quib; prodi-  
gum ( ut loqui sic liceat ) suū Cælum, in  
mortalis etiamtum STANISLAI orna-  
menta, quid dico, ornamenta? oblecta-  
menta etiam, castasq; voluptates ac de-  
licias, se effudit. His dulciter inhærescat  
animus? ecquisnam de magnitudine il-  
lius Gloriam, quā in cælis jam KOSTKA  
perfruitur, locus dicendi supererit?  
Hanc utcunque adumbrare contendat  
oratio? non locus, non tempus dicendi  
de luculentissimis maximisq; miraculis,  
quæ per STANISLAUM patravit De-  
us, erit reliquum. Miracula memorare  
statuam? horum verò priusquam vel mi-  
nimam exponam partem, hic me dies  
deficiet.

A2

Quæ

an de am-  
plitudine  
meritorū?  
an de exi-  
miis cæli  
favoribus?

an de Glo-  
ria cælesti  
Kostka?

an de mi-  
raculis?

ea verò ipsa



Quæ autem maximarum Orbis Partium, quæ Gentium Regnorumq; quæ Provinciarum, quæ Urbium amplissimarum existeret contentio; dum sua quisque domestica, id est, apud se per STANISLAUM patrata, oratione hæc meâ cupiet celebrari miracula? Nulla enim terrarum existit portio, angulus Orbis (2) nullus, qui [si solem conspexit unquam] prodigiorum quoque luce perfusus non sit KOSTKANORUM. Implevit eorum fama totam, quanta est, Europam. Eorum admiratione (quamvis monstra jam mirari desierit] teneatur Africa. Adeorum conspectum stupet Eous Occiduusve Indus.

Sed jam mihi vastissimum hoc Regnum Poloniæ totâ vocis contentione videtur reclamare; nè exteris commemorandis miraculis horam hanc extraham, quæ nec domesticis enarrandis sufficiat. Istorum verò honorificâ mentione gratificandum Servatori Patriæ STANISLAO: incendendos ad tutelaris Divi amorem, Civium optimorum animos.

[2] Relacya Cudow S. Stan: KOSTKI, pag. 2. Auth. P. Nicol. Oborski S. J. Et

Et sanè parerem continuo æquissimo huic desiderio, AA. nisi hanc ipsam, in qua versamur, Urbem, nobilissimum hoc Regni Emporium, hanc Artium bonarum altricem, hanc trium (ut nulla fortasse Urbs alia] Archiepiscoporum (3) Metropolim, hoc Russiæ, imò totius nostri Imperii Propugnaculum, hunc florem Urbium, hoc Civitatum decus, hanc inquam, in qua versamur, LEOPOLIM, audire hisce auribus, imò hisce spectare viderer oculis, interpellantem, orantem, obtestantem. Apud se illa, inq; Patronorum ac Civium suorum conspectu, verba hæc fieri de STANISLAO, clamat. Suos inter Servatores ac Vindices illum agnoscit primum. Illius se, quanta est, totam esse; illius stare patrociniò, colultrari miraculis, recreari beneficiis, servari tutelâ, florere munificentia, muniri præsidio, asseverat. Detractum à nobis iri suæ gratitudini, suis officiis, suæ in KOSTKAM pietati; si post tam multiplices, tam uberes, tam magnificas illius laudes, quotannis illi, etiam ex hoc persolutas loco, non aliquando maxima

an Leopold  
patrata  
dicam?

\* (3) Latini, Græci, & Armeni Ritus: quos nusquam fortasse alij simul ejus

in Europæ  
pâne? an  
in Africa?  
an in u-  
traq; India

an in Polonia  
sola?



ejus in Urbem hanc beneficentia celebratur. Dictum jam, auditumq; fuisse millies de eximiis, quibûs Regnum hoc amplissimum servavit toties, beneficiis. Celebrata illa prodigia, proclamata miracula, non pro Rostris modò & Pulpitis; verum pro scena quoque ac theatris: pro triumphalium circumductu curruum, exstructione pegmatum, colustratione turrium, cantu symphonicorum, tubarum sonitu, tormentorum boatu: verbò: omni, quæ cogitari potest, pompâ; omnigeno apparatu. Faciendû aliquando jam esse, ut Urbis quoque istius nomine, amplissimæ STANISLAO persolvantur gratiæ pro maxima, quâ complexus hucusque illam est, beneficentia.

*Id quidem  
æquissimû.  
itaque as-  
sumo.*

Id verò quàm æquum sit, jam vos ipsos, AA. Clarissimi, agnoscere fateriq; conspicio. Hoc proinde non invitis, ut spero, vobis; imò probantibus etiam hortantibusq; dicendi assumam argumentum. Ut autem tantò æquiores me præstem omnibus; ita hodie amplissima STANISLAI erga Urbem hanc beneficia celebrabo: ut eximiam quoque, imò incom-

incomparabilem, ejusdem Urbis Pietatē in STANISLAUM, attingam, & collaudem.

Vos, Illustrissimi Ornatissimiq; AA. etiam atque etiam precor; ut tenuem, impolitamq; hanc Oratoris novitii dictionem, non pro mea [quàm nullam esse confiteor] dicendi facultate, verum pro eximio in STANISLAUM amore, benignis excipiat auribus.

## P A R S I.

### STANISLAUS ERGA LEOPOLIM AD PRODIGIA USQUE BENEFICUS.

Nè maxima erga hanc Urbem, beneficiorum STANISLAI copia ac varietas, aliquid in hac oratione confusum perplexumq; efficiat; ante omnia id faciendum puto, AA. ut certos quosdam beneficiorum ordines, certasq; constituamus quasi classes; ac tum demum ratione & ordine procedamus. Et meâ quidem sententiâ, minimùm ille à vero aber-

*beneficio-  
rum toti-  
dem gene-  
ra, quot ca-  
lumnitarum*



aberrârit; qui totidem beneficiorum, quot calamitatum, pronuntiârît esse genera. Primum enim, aliter fere, quàm aut calamitosâ sublevandis; aut iis, qui minùs adhuc felices sùnt, fortunâdis; aut denique ipsismet felicibus contra infortunium muniendis, benefici esse haudquaquam possumus. Hoc autem rotum nihil omnino est aliud, quàm alienâ miseriæ vel levandæ, vel mature propulsandæ arcendæq; beneficam collocare operam: singulisq; malorum generibus totidem quasi objicere bonitatis ac benignitatis genera.

Deinde verò, ea est seu beneficii cuiusque conditio, seu ingrati potius animi humani labes; ut, quæ prosperis florentibusq; rebûs nos fortunant, ex iis quidem redundantem in nos felicitatem amemus vel perdite: eorum tamen, à quibus hæc in nos profluunt, beneficentiam vix unquam agnoscamus. Una res est, quæ & debitam manui beneficiæ reverentiam amorémq; & æquam beneficii æstimationem nos edocet; & memoriam utriusq; immortalem nobis imprimit: indigentia videlicet & calamitas. Re-

et

et igitur è præcipuis calamitatum generibus, præcipua quoque beneficiorum distinguas genera.

Unde primum utriusque adversæ, ita secundæ quoque res, aut publicæ & communes sunt, plurimosq; afficiunt; aut ita sive ad unum aliquem, sive ad paucissimos nonnullos spectant; ut privata omnino habeantur. Rursus autem, utriusque privata infortunia pæne existunt innumera; eorum autem, quæ in publicum & commune defæviunt, tria vel quatuor atrociora cæteris, & vel inde decantatio- ra sint genera; æris inquam pestilentia, rei cibariæ in fame inopia, ac tandem ignium bellorumque sævitia: ita & privatorum quidem singulariumque beneficiorum infinitæ sunt species; & cõmunia illa atque publica ad tres ferme vel quatuor revocantur classes. Si videlicet aut pestilentem infestamque auram salubritati quispiam Divinâ ope restituat; aut famem liberalitate levet, aut restinguat incendia; aut belli furorem reprimat, ac pace rursus Cives donet.

Hic itaque dicendi ordo erit: quàmve beneficis, imò quàm profusus etiam in

B

fin-

*utraq;  
hæc vel  
sunt publi-  
ca; vel pri-  
vata.*

*privata  
innumera:  
publicorū  
tres vel 4  
classes.*

*hinc nostra  
partitio.*



singulis istis generibus erga Leopolum STANISLAUS fuerit; probatissimis, & publicâ nixis fide exemplis demonstrabimus. Atque hæc erit prima publicorum communiumque beneficiorum classis, quibus totam hanc urbem in commune sibi demeruit STANISLAUS. Tum verò, si per tempus licuerit, alterum quoque, id est privatum beneficentiae KOSTKANÆ genus, strictim & paucis attingemus.

*Primum publicum S. Stanislai beneficium in Leopolum collatum*

Primum beneficiorum omnium, illudque post hominum memoriam longè maximum, ad communem Urbis istius pulcherrimæ felicitatem tum contulit STANISLAUS; quando hos Cives inclytos, imò hæc mœnia, hæc basilicarum ædium Augustalia, hæc sacerrima Templorum Adyta contra sævissimam simul æeris pestilentiam, simul contra horribile est tatus incendium. Assequimini jam, opinor, quorsum mea collimet oratio, quandoquidem immortale hoc Thaumaturgi nostri beneficium & recenti conservant memoriâ Cives gratissimi, & in ore etiamnum habent quàm plurimi; & oculis pæne usurpant omnes, quot-

quot luculentas & ferme vivas rei tunc gestæ imagines intuentur passim. Committere tamen ego nequeo, ut silentio hic illud præteream; cum rei tam admirandæ narratio maximam vel scientibus non adferre non possit voluptatem.

Tertius atque vicesimus supra millesimum sexcentessimum à reparata communi salute,olvebatur annus, toti quidem calamitosus Polonia; sed huic in primis Urbi funestissimus. Summa erat difficultas annonæ, quam summa excipit fames. Sed tolerabilior hæc fuisset calamitas, ac vulgo fere duntaxat metuenda: cum inediâ tabescenti populo sævissima ex infecto communi hoc aere pestis [4] ingruit. Hoc verò demum atrox planè atque horribile malum fuit: & tantò sævius priore illò; quanto levius censetur supplicium, tolerare inediàm; quàm præsentissimum terribimūq; virus, velis nolis, admittere in præcordia. Accedit, quòd omnis, ut dixi, fames, & in vile fere solummodò delavit vulgus; & tantò promptius inveni-

*fames Leopoli.*

*mox pestilentia.*

[4] J. P. Oborski, ubi supra. & hist. Coll. Leop. S. J. An. 1623.



re consuevit remedium; quantò certius frumentariis negotiatoribus ostendit lucrum. At lues aërea & ita ad omnes pertinet; uti ipse, quem respiramus, aër communis est: & tantum abest, ut ad ferendam opem quemquam alliciat; ut vel arctissimos potius, sanctissimosq; mortaliū dissolvat nexus.

*quàm sepe* Hæc itaque geminæ calamitatis atrocitas ubi in Urbem hanc incubuit; momentò fere, in lugubrem prorsus omnia vertit faciem. Videre erat, populosissimū olim hoc emporium, jam in horridam concessisse solitudinem. Nulli in foro Cives, præter acervos cadaverum: nulli in domibus inquilini, præter mortuos: nulli in plateis obambulantes, nisi aut proximè morituri, aut miserabiliter moribundi. Proh! quàm luctuosa tum, amœnissimæ olim Civitatis facies; cum vel omnino nullum, vel rarissimum habitatorem conspiceres, cujus illico pœniteret conspectu! Nam paucissimi, qui per angiportus errabant, vivis mortibus similiore erant, quàm hominibus. Luridò omnes vultu, horrenti comâ, refugis in caput oculis; tremulis artubus,

je-

jejunò ventre, labanti poplite, tenui & lachrymabundâ voce. Augebat horrorem, Templorum solitudo & squalor, in quibus neque ad Aras Mystæ, neque in odeis psaltes, neque in turribus æris Campani sonus. Ubique pavor: ubique mœstum silentium: ubique funera: ubique mortis imago plurima, eò etiam extremæ calamitatis exacerbata genere; quod insepulcris passim, temereq; abjectis Civium quondam optimorum cadaveribus, crudeli inferiarum officiò, canes (nefandum dictu!) canes & feræ volucres paréntarent.

Ecce autem supremum infortunium! Destituta habitatore, Civitatis miserimæ suburbana, horrendum involvit incendium! dixisses, aut Trojam à Danaïs, aut Corinthum à Mummio, aut Romam ardere incensam à Nerone. Exstinguunt diem illico crassissimi fumi nubes: lambit cœlos, & pæne inflammare videtur, cometes quidam horribilis: fremunt à Septemtrione atque Occasu ventii concitati incendiò; & igneam tempestatem illam totâ furoris vi in urbem inferunt deplorandam. Exoritur ejulatus hor-

*demum incendium.*



horribilis, tam à paucis, qui novam hanc  
intrà mœnia opperiebantur mortem;  
quàm à plurimis, qui in subjectas urbi  
Villas concesserant, pestilentiam fugituri.

*invocatur  
Divus*

Tum verò geminum quoddam eo-  
dem prorsus tempore evenit prodigi-  
um, alterum alterò mirabilius. Utræque  
istæ civium miserrimorum reliquæ, et  
tantò disjunctæ intervallò, in idem prorsus  
conspirant votum. KOSTKAM!  
KOSTKAM! sublatò in cœlum clamo-  
re, utrique vocant: KOSTKAM sup-  
plices obtestantur, succurreret pereunti-  
bus, qui solus posset: averteret supremâ  
calamitatem, quam declinare aliàs ne-  
mo posset.

*adest vif-  
bilis*

*sum S. J.  
gnatio &  
Xaverio.*

*juvat Ur-  
bem.*

O consensum inter dissitissimos ad-  
mirandum! sed o magis mirabilem be-  
neficientiam STANISLAI! Eo ipso mo-  
mentò temporis delapsus ille cœlò, Di-  
visq; nostris Parentibus IGNATIO &  
XAVERIO comitatus, ac splendidissi-  
mâ circumfusus luce, supra ipsammet in  
aëre consistit urbem: ac oculis cuncto-  
rum aspectabilis, jam supplices in cœlum  
manus tollere: jam irrumpentes intrà mœ-

*nia*

nia decumanos flammæ fluctus, mo-  
dò cælestis (quò indutus videbatur)  
pallii, modò pectoris, imò totius suû ob-  
jectu, procul fugare. Nec abstinere tam  
diu; dum & precibûs, furoris Divini i-  
gnem, & inauditò prodigiò horribile re-  
stinguat incendium.

Neque verò is tum fuerat beneficen-  
tissimi in Leopolim STANISLAI gra-  
tiarum finis. Aëris quoque luem suò  
illò in eum illapsu persanavit: nec civibus  
modò servavit Urbem, verum & cives  
in securam Urbis possessionem mox  
restituit. Tum famem quoque, admi-  
rabili, & quasi sub manu Civium enatâ  
rerum copiâ prodigiosè oplonavit.

*pestem qua-  
que ac fa-  
mem depel-  
lit.*

Hæc ipsa autem gratiarum prodigia  
ad altiore quoque possis referre ori-  
ginem. Nam jure dixeris, gratiam tunc  
retulisse Urbi pientissimæ, lapsos pari-  
ter è cœlo Divos JGNATIUM & XA-  
VERIUM, quorum solennem Apothe-  
osin, cum maximâ ad apparatus splen-  
dorem pompâ, tum incredibili ad reli-  
gionis significationem pietate (5) su-  
periore anno (6) Leopolienses cele-

*quid San-  
cti, Jgna-  
tius & Xa-  
verius?*



brarunt. Quod eis officium, dignâ planè Cœlitibûs liberalitate, rependisse hoc anno [7] videntur DIVI ambo. Nam quanta, superi! liberalitas fuit ista. Miserunt laborantibus præsentes suppetias; imò per se se deduxerunt: è cælo ipsi **THAUMATURGUM KOSTKAM:** nempe Fundatores Clientem, Ductores Asseclam, Parentes Filium, quem habuere carissimum, æternum tunc Urbi Patro-num donavere. Quàmve præstanti, quâ Divinò beâssent illam donò; ex accepta sub illud ipsum tempus, per eum quem donabant Divum, beneficii magnitudine intelligi voluere.

*testimonia.* Hic ego, AA. de stabilienda imprimis rei tam admirandæ fide elaborandum mihi esse crederem; nisi apud eos me scirem dicere; quibus totum, quod narra-vi prodigium, in confesso est. Testantur illud publicæ Actorum Tabulæ: confir-mant jurati & oculati testes pæne innu-meri: loquuntur rei tunc gestæ imagines locis publicis, ac pro Cracoviensi in pri-mis Urbis istius Porta, ad perennem be-

neficii memoriam sumptu publico collo-cata. Omnia verò testium, testimoni-orumq; instar, mihi est luculenta illa in-scriptio, quæ ad miraculi istius historiam pro Cracoviensi illa, quam dixi, Urbis porta, publicâ Authoritate depictâ ex-sculptamve, eadē Authoritate, adjecta le-gitur. Ea inscriptio supernè quidē annum positi illius monumenti ita exprimit.

ANNO DOMINI M. DCC. XXVII.  
**SANCTI STANISLAI KOSTCÆ CANO-NIZATIONIS** imò.

Infernè verò miraculi ipsius historiam sic exponit. A. 1623.

CIVIBUS PESTE DISPERSIS: INCENDIO  
DEPASCENTE SUBURBIA: DIE S. AU-  
GUSTINI: DIVUS KOSTKA IN AERE  
SUPER HANC PORTAM STANS, IN-  
TERDUM FLEXUS GENUA, MANIBUS  
NUNC EXPANSIS, NUNC COMPOSITIS,  
DEO SUPPLEX, PALLIO QUOQUE UR-  
BEM CONTEGENS, OMNI SITU AUXI-  
LIANTIS, ET FORMA, SPECTABILIS  
(AD SPECTACULUM DESCENDENTI-  
BUS COELO SS. IGNATIO ET XAVE-  
RIO) EXSTINXIT FLAMMAS; INFLAM-  
MAVIT CULTUM ERGA SE, NON EX-  
STINGUIBILEM SAECULIS.

LAUDENTEUM IN PORTIS OPERA EJUS  
Ex PROCESSU LEOPOL. SUBSCRIPTO PER ILLU-  
STRISSIMUM PRUCHNICKI ARCHIEPISCOPUM.



*Oratoris  
eâ de re  
sensus.*

Hâc igitur probandi rem: usque adeò probatam omissâ curâ, quid ex aliis aut faciam, aut dicam prius? Civitatine huic felicissimæ tam opportunam, tam mirabilem rerum suarum in melius conversionem gratuler; an benefica potius Thaumaturgi KOSTCÆ prodigia, & prodigiosa demirer beneficia? Imò si vel alterutrum duntaxat præstare contendâ; parésne in tota, quanta est, dicendi facultate vires ac nervos inveniam? O STANISLAE! o KOSTKA! o THAUMATURGE! quid istud, quæso, quid istud prodigii est? Mortalem te olim tantò divinæ charitatis conflagrasse incendio; ut mediâ quoque hieme jam applicitis madefactis linteis, jam frigidâ copiosè affusâ temperandi ardores isti forent. Nunc contrâ, immortalem te ac Gloriosum, pro aqua pæne ad restinguendû ignē esse? Sed videlicet ignibus exstinxit ignes KOSTKA: maximò Seraphici cordis ardore minorem consumpsit flammam. Aut certè, quod crate igneâ, & crudeli ustulatione fortissime toleratâ, in ignes sibi Imperium comparavit LAURENTIUS, hoc ipsum In-

cruc-

cruentus Martyr Seraphicis sibi flammis emeruit STANISLAUS. O fortunatam eò Patronò Leopolim! Servat Catanenses AGATHA contra Ætnæos ignes: Neapolitanos Martyr JANUARIUS contra furores Vesuvii: Cracoviam FLORIANUS noster contra subitaria incendia. Illisne verò urbibus clarissimis Tutore suò defensa concedet Leopolis?

Ei verò plurima quoque alia cùm in his ipsis; tum in cæteris communium beneficiorum generibus, præstitisse novimus STANISLAUM: nec minore prodigiò, nec obscuriore famâ hucusque celebrata. Nam quoties, dum atrocissimi in eam sævirent morbi, grassaretur pestilentia, fureret Libitina; id ipsum beneficium iteravit KOSTKA?

Ut autem ea ipsa beneficia pluries ex intervallo, eq; afflictæ Urbis indigentia iteravit ille; ita quàm plurima eorum monumenta, secutura transmisit posteritati Urbs gratissima. Inter ea principem quoque locum obtinet pulcherrima illa imago Divi, quæ pro editissima Curia urbanae turri sublimis eminet: persanataq; iterum aëris pestilentiae immortalem in Civibus conservat memoriam.

*similia  
pluries  
patrata.*

*unum hæc  
memoramus,*

C2

In-



*iterum pe-  
silencia.*

*Et iterum  
invocatur  
Divus.*

Ingruerat nempe in Leopolim (8) atrocissima quædam lues; populosissimūq; istud Gentium plurimarum Emporium pæne in horridum mutarat sepulchretum. Ad levandam calamitatem istam nihil humani suppetebat remedii, quin consilii quoque nihil. Itaque humanâ destituti ope, cœlestem à STANISLAO implorant Cives. Mirabilis etiam tum existit [9] in eo implorando consensus: quippe seorsim Magistratus Urbanus è communi consulto; seorsim Collegii nostri Rector è privato communis boni studio; seorsim denique vigilantissimus Antistes Urbis JOANNES TARNOVIUS [longissimò tum à Leopoli absens itinere] è Paterna subjecti sibi Gregis cura, eodem omnino tempore Vota quædam nuncuparunt KOSTCÆ; si salubritati pristinæ communem auram, si urbem Civibus, si Cives urbi reddidisset.

*nec frustra* Nec promptus minùs quàm mirabilis in suorum accipiendis Votis KOSTKA existit. Ex eo enim die, grassantis mali sævitia insigniter statim remittere, & vix quempiam lædere: mox omnino quæque vanescere: interire. Paucis ferè die-

[8] Anno 1657. \* [9] P. Kwiatkowski Collectan. Ascet-  
par. 2. cap. 10. pag. 658. bds

bûs restituta est auræ salubritas: rediit vigor & vita Civibus: Cives nuper aut prostrati morbô, aut dispersi fugâ, ubi depopulatam, repentè implevère Urbem; communem illico restituère lætitiâ.

Persolvunt igitur Sospitatori suo Vota: suæq; simul gratulantur felicitati, quòd tam præsentaneum reperissent in iis communis mali remedium. Appenditur Anathema argenteum è Divi Ara.

Ecce autem ad lætitiæ illius quasi cumulum, primùm è Collegii nostri Moderatore, tum è superveniente Archi-Præsule ediscunt omnes; eodem omnino die, quin momentò pæne eodem, & nuncupata à diversis fuisse Vota eadem; & accepta existisse cœlo: cùm is ipse, ut dixi, dies, fatalis quidem communi malo, Civitati verò pientissimæ sospitalis affulserit.

Itaque majore etiam, quàm voverant, cum Divino Sospitatore suo certare liberalitate cives constituunt. Iterum Senatus cogitur: deq; novo in KOSTKAM officiò rogantur sententiæ. Una erat mens omnium, quâ in præstantissimū tum Civis ANCZEVII ibatur sen-

*Urbs exsol-  
vit Vota.*

*ea mirabi-  
liter con-  
cepta*

*Cives ultra  
Vota pii*



*Decernunt  
æream iconem  
Divo.*

*ea sublimis  
figitur in  
turri curiæ*

*sollaudatur  
hoc factum.*

*plura similia  
prodigi-  
a silentur.*

sum. Fuit ille peritissimus in Urbe hæc  
Archiatro: & cultor imprimis egregius  
STANISLAI. Decernebat autem, com-  
muni adjutus suffragiò, ut ærea imago  
DIVI, pro altissima, quam dixi, Civita-  
tis istius turri, sumptu publicò, ritùq; re-  
ligionis plenò poneretur. Obtinet pien-  
tissima ista sententia: elaboratur arte exi-  
mia PUBLICI SERVATORIS Icon: &  
religione maximâ, eò quem memoravi,  
loco, in perenne monumentum prodigii  
sublimis figitur.

Ita tum experientissimus piissimùsq;  
is Medicus, officiò est functus suò, dum  
& conclamatam fuisse salutem publicam  
(nisi medelâ cælitus attulisset KOST-  
KA) edixit palàm; & præsentissimum  
in posterum contra contagionem ejus-  
modi, indicavit Civitati remedium, pro-  
specturi videlicet ex alto clientibus, o-  
pem KOSTCÆ. Ita gratissima STANI-  
SLAO Leopoli; cui maxime salutem  
vitamq; Civium acceptam ferret Æ-  
sculapio, perenni testatum reliquit mo-  
numentò.

Verum, quid opus hoc loco est plu-  
ribus ea de re pertexendis historiis: cum  
apud

apud eos me sciam dicere, qui & Patrum  
memoriâ, & suâ, non accidisse modò id  
certò sciant, verum ipsimet ultro fate-  
antur?

Supereff, ut bellò quoque expertum  
Leopoliensibus STANISLAI Patroci-  
nium memoremus. Ne ullum scilicet è  
quaternis illis communium beneficiorum  
generibus, prætermisisse erga hanc Ur-  
bem Thaumaturgus illius videatur. Duo  
maximè superiore sæculò arlere bellas  
seu unum idemq; potius, continenti mul-  
torum annorum incendiò miseram est  
depastum Poloniam: ac principem in pri-  
mis Urbem Poloniæ, Leoburgum, tan-  
tùm non in favillam redegit ac cineres.  
E cujus cladis periculo, imò fatali qua-  
dam pereundi necessitate, agnoscunt Ci-  
ves gratissimi, nec potuisse se, citrà in-  
gens prodigium, evasisse incolumes; nec  
alienâ, quòd evaserint, factum ope, quâ  
luculentò beneficiò STANISLAI.

Fax illa funestissima, imò Erinny-  
Patriæ, rebellis Chmielnicius, Cosaco-  
rum imprimis Scytharumq;, dein Tur-  
carum etiam, Moscovitarum, Daco-  
rum, Hunnorum, Borussia denique

*iam dicen-  
dum de ope  
in bellis  
lata.*

*superiore  
sæculò  
quot bella  
in Polonia*

*in iis peri-  
clitata Leo-  
polis.*

*Chmielní-  
cius.*



eam obsidet

urbis præ-  
sidiarii.

Invocatur  
S. KOST-  
KA.

ac Góthorum certatim adjutus armis, eo  
furore in exterminium Reip. obstinârat  
animum; ut parum jam à supremo abes-  
semus exitio. Miserum me! quod vulnus  
Patriæ refricare cogor! quam labem tem-  
porum revoco in memoriâ! Is igitur [10]  
scelestus ac perditus cum Pilavecensi  
clade nostros iterum dissipasset exercitus,  
expugnasset munitiones, cepisset Arces,  
expilasset & incendisset municipia, solo  
æquasset urbes alias, accessit infestis co-  
piis etiam ad Leopolim suburbana in-  
cendit: Arcem superam proditione ne-  
fariâ occupavit: Urbem ipsâ arctissimâ  
obsidione cinxit: spe pæne devoravit. Cõ-  
tra innumerabiles obsidentis copias iner-  
mis fere Urbs exiguâ se defendit manu.  
Sed superi! qua manu! Armare enim non  
servos modò (utî Romæ aliquando factû)  
verùm vilissimam quoque Judæorum fæ-  
cem, præsens cogebat necessitas.

Quid facerent fortissimi cives catho-  
lici, animis quidem pares hosti, sed mul-  
tò inferiores viribûs! Ad suum illi pro

[10] Woyna domowa Twardowskiego, pag. 37. Opus Geo-  
graphicum Ilmi Lubinski, pag. 315. cæpta verò obsidio 9.  
Abriz, An. 1648. \* [11] Hist. Coll. Leop. S. J. pag. 233. 235. & 24.

EX

experta beneficentia confugiunt STA-  
NISLAUM. Nuncupantur vota: (11) in-  
stituitur diu noctûve continuata ad prodi-  
giosam hanc Aram supplicatio: circû-  
fertur intempestâ nocte pro mœnibus  
imago Divi. Imò nullus ex Orthodoxis  
propugnatoribus exiguam Divinæ MA-  
TRIS ac STANISLAI icunculâ non ob-  
tendit pectori. Hoc singuli umbone ar-  
mati pro muris excubant: hóc feliciter  
hostium assultus reprimunt; hóc ingentes  
identidem edunt clades.

Quid Tu interea STANISLAE? Ur-  
bémne tuam expugnari à barbaris, expi-  
lari, exscindi, pessumdari patiêre? nam ea  
omnia (si diutius tenuisset obsidio) ex-  
spectanda indubitato erant. Sed minimè  
tardavit ille præsentem clientibus opem  
ferre. Ita supremam avertit cladem; ut nè  
timore quidem illius diu exanimari suos  
passus fuerit. Hosti potentissimo despe-  
rationem injicit vincendorum inermium:  
utq; mediocri acquiescant lytro, qui to-  
tam jam cupiditate devorârunt Urbem,  
efficit non sine prodigio. Penditur im-  
perata pecunia: dissolvitur unius prope  
Mensis obsidio: abicedit hostis, se ipsum  
(11) Hist. Coll. Leop. S. J. pag. 233. 235. & seqq.

juvat.

lytrum  
penditur.

obsidio.

præ



præ admiratione non capiens, quòd insatiabilis illa sua, quâ non ita pridem furebat, tantillò jam extincta in se sit auri fames.

Sed vi adactus erat scilicet ad eam seu desperationem expugnandæ Urbis; seu auri temperandam famem: & vi quidem multò validiore, quàm ut humanis eam viribus posset retundere. Cælestis quippe ac divina vis illa fuit, quâ fracti & domiti perditissimorum latronum erant animi. Id illi ipsi dissimulare haud poterant, cum cœptam obsidionem dissolvissent, atque ab Urbe discederent [12] Unus, inquiebant, præ cæteris nos examinavit metus; nè, si diutius oppugnare pergeremus Leopolum, supremum nobis cœlitus accerseremus exitiū. O quantò [pergebant fateri ulterius] o quantò Urbs hæc, quàmve prodigiosò Propugnatore defenditur! Rogantibus autem civibus, edicerent sine ambagibus, quenam illum Propugnatores dicerent; ejus equidem ignotum sibi esse reponebant

[12] Illmus Nicol. Dönhoff in paneg. SS. Stanislai & Aloysii, sub titulo, Czuta straż. P. Tykowski l. 2 vitæ, cap. 5. P. Gzowski in Canoniz. Eorund. SS. pag. 1. & 3. & alii;

nomen, compertam tamen vim humanam majorem. Juvenem prætulisse decoram facie: Jesuitam vestitu: Divum immortalē dignam Cœlitibus personam & actionum maiestate: imprimis verò Divinam planè ad frangendos suos obsidentium animos potestate. Eum pro vestris [inquiebant] mœnibus pæne quotidie obambulantem conspeximus, quasi sollicitè prospicientem Urbi, disponentē excubias, librantem machinas, nostros retundentē assultus, & indentidē (quò supra humanos omnes examinabamur horrores) irato vultu pessima nobis omnia, si pergeremus, minitanti. Istæ nos, inquiebant, minæ ita formidinis implevêre; ut quantocyus obsidionē deferere, siquæ salvi ab obsessis regrederemur mœnibus, in magno id lucro ponere; quodsi verò aliquid etiam lytri eliceremus, plusquàm felicissimos nos credere cogeremur. Hæc invitus ringensque fatebatur hostis; tantò certiore veritatis argumentò, quantò minore fatendi, voluntate.

At haudquaquam non sentio, AA. quid mihi jam hoc loco obstrepere aut ignarus rerum; aut parum addictus STANISLAO possit aliquis. Requirit is for-

Hostis factur, Urbem defensam à S. Stanislao

his fidem adstruit Orator



*à confessio-  
ne hostium.*

tasse, quibûsnā ego argumentis nixus, hoc  
tā ingens STANISLAO attribuiam bene-  
ficio. Verum si vel, quæ dixi, expenderit;  
vel quæ dicturus sum porro, audierit; vin-  
ctas illico (nisi impudenter sit pertinax)  
dabit manus. Rogo enim imprimis, ecquis-  
nam fuit, qui tam disertam illam, tam con-  
stantem, tam firmam vel ipsi hosti con-  
fessionem extorsit prodigii? Manifestæ  
videlicet, publicæq; vis illa fuit veritatis!  
Invicta quippe, & planè ineluctabilis vis  
ista est; tantâq; non in occæcatissimos mo-  
dò, aversissimòsq; oculos, pollet luce; ut  
vel invitis illis clausisq; agnitionem in-  
fundat suâ: verum in linguas quoque, eti-  
am obstinatissimas, tā mirabile exercet im-  
periū; ut vel nolētib9 confessionē exprimat.

*cul quidem  
tria obijci  
possunt: le-  
vitas, adu-  
latio, astus.*

Sed enim verò aliud fortasse, nescio  
quid, non manifestæ veritatis agnitio, ad  
ea in vulgus spargenda hostem induxe-  
rat. Aut innata videlicet fingendi quid-  
uis libido ac levitas; aut improbum Ci-  
vibus adulandi studium; aut denique ob-  
tegendæ utcunque, contractæ tum, è re  
non bene gesta ignominia ars illa erat.  
Malebat nempe callidissimus, mendacissi-  
mûsq; hostis, non expugnata tum à se

ci-

civitatis dedecus effictis quibûslibet ob-  
velare prodigiis; quàm aut sinistra ar-  
morum suorum fortunæ, aut imbecillita-  
ti virium attribuere.

Præclarum verò argumentum! Nem-  
pe tam hebetes, imò (sit verbo venia)  
tam stolidi tum fuere, quotquot cultissi-  
mam, sapientissimamq; hanc Urbem per  
ea incoluere tempora, quæ Cives gra-  
vissimi, quæ doctissimi religiosissimiq;  
Viri; ut seu aperta illa fingendi levitas;  
seu impudens adulandi studium, seu calli-  
dus dedecoris amoliendi astus, nullum  
prorsus ex illis adverterit? nemini subolu-  
erit? Imò (si superis quidem placet) a-  
dedò infatuari se siverant; ut impudentis-  
simum, evidentissimûmq; mendacium in  
prodigia quoque retulerint, innumerisq;  
cùm scriptis, tum aliis monumentis cla-  
rissimis Posteritati transmiserint! O te ho-  
minem (quisquis ita ausis arguere) &  
in sapientissimam Urbem istam, & in pru-  
dentissimos integerrimòsq; scriptores  
(13) quàm plurimos, manifestè [ nè dicā,  
impudenter ] iniquum & injurium!

Sed præterea, hostisne ab ingenio bar-  
barus, à dedecore frustra tum oppugna-

(13) qui supra, num. 12.

*solvitur  
primò tota  
objectio.*

*à Civium  
prudencia,  
& scripto-  
rum aucto-  
ritate.*

*add, nec le-  
vitas, nec  
adulatio,*

tæ



ra Urbis efferatissimus, ab erepta sibi spe prædæ in rabiem pæne actus, aut se ipse vanissimis [ quod inertium fere, otiosissimorumq; , non irâ furentium, non amentium dolore, est ) oblectaret mendaciis, aut iis, quos diris palam devovebat omnibus, cum abscederet, adulari per fictionem vanissimam sub illud ipsū tempus vellet?

*nec astus  
eam con-  
fessionem  
expressit  
hostis.*

At neque postremum illud obtegenda utcunque, per prodigii speciem, ignominia, callidius commentum est. Ii quippe id soli crediderint, qui hostes illos implacabili, & prorsus capitali odio ab Orthodoxa Religione Civium (Græcos nempe Schismaticos à Romana Ecclesia] dissidere perpetuò, imò in ejus tunc supremum exitium ( 14 ) conjurasse nescierint. Nam LACHOSNE ( 15 ) Superis Inferisq; ( ut putant illi ] invisos omnibus, tantæ Cœlitibus curæ esse; imò habere in Senatu Cœlitum è suis quempiam, profiterentur ultro isti? Bellicæ existimationis labeculam æternò Religionis intaminatæ [ qualem jactant videlicet ] obtectam vellent nàvo?

[ 14 ] *Twardowski. Woyny Domowey wtorey, część wtora*  
*pag. 6. 7. 8. \* ( 15 ) ita illi Polonos vocant.*

Sed

Sed finge tamen, aut minimè vidisse præcipites, ad nostræ quidem Religionis gloriam, ad Græcanici verò erroris convictionem luculentissimā cessurum, quod dicerent; aut ( quod non creditu modò difficile, verum & dictu horrendum est ] gloriæ honorisq; labem vel Religionis proditione abolere utcunque voluisse: jàmne palmam retulisse te censes? Ut enim interea ex adductis capitibus promendacissimo impudentissimóq; commento hostilem illam confessionem haberi à te patiar, quānam, obsecro, fortunā id contigit, ut hostis barbarus non notissimum quempiam appellaret Divum; sed eum potius sibi palam asseveraret visum, cujus nè nomen quidem haberet cognitum? Quis, per Deum! evenire potuit, ut lineamenta vultus, ut modus vestium, ut ætas, ut omnia tam apertè in ignotissimū, unumq; hunc quadrarent? quadrarent, inquam, usque adedò exquisitè; ut vel viva ex iis, quæ fatebantur isti, imago ejus pingi posset? Quò insolitò, inauditòq; evenit prodigiò; ut futile vanissimūq; ( per te ) mendacium cum diurnis nocturnisq; Votis ac precibus, cum expectati-

*confirmatur id pressus ab adiunctis  
hujus confessionis.*

one



*ē tempore  
soluta ob-  
sidionis.*

one sollicita, cum spe demum Civitatis totius unica, imò & cum re ipsa, reiq; gestæ tempore examissim omnino, mirabiliterq; congruerent? Nam ecquis, quæso, fortunatus is dies erat, quò post tot tantâsq; tempestatis illius fædisimæ procellas, post tot strages & incendia, insperatæ pacis nuntiô vultus Civium serenavit repentè? Appellemus fidem Annalium: Patrum memoriâ requiramus. Uno omnes fatentur ore, ( 16 ) eò die solutâ obsidionem atrocissimam; quò ( spectatis rebûs omnibûs ) nihil minùs humanitus sperari debuerat: quò tamen simul ardentissimè ab obsessis supplicabatur STANISLAO: quò tota Civitas ante Aram hanc illius affusa, Ædem istam miseris replebat gemitibûs; &, opem! opem! pacem! suppetias, lachymabunda inclamabat. Quid tu isthuc incredibile? surdû ista & ferreû spectasse e cœlo dices KOSTKAM: quem nuper, ut Civibus iisdem succurreret, cœlos etiam reliquisse audieras? Credes, nihil emollitum gemitibûs, quorum ipla recordatio miserationem & lachrymâs vel saxo eliciat?

[ 16 ] *hist. Coll. Leop. S. J. pag. 240 241. & seqq.*

Fuit præterea illo die [ 17 ] pervigiliû lucis sacratæ STANISLAO: appetebat in crastinû is dies, quē imprimis solennē KOSTCÆ quotannis peragebat Leopoli. O lucē feliciter ominosam! nolebas videlicet, STANISLAE Divinissime, in eū usque diem mœrore & dolore tabescere, externari pavore, premi obsidionis ærumnâs devotissimos tibi Cives: quo illi die solemnes tibi honores, læti alacrésq; persolvere consuevisent.

Sed quinam, quælo, ipsiusmet Civitatis inclytæ de eventu illo felicissimo sensus fuerat? Non tota illico gratiosam sui Vindicis agnovit opem? non consensu unanimi, illi suam acceptam retulit libertatem? non æternum huius ipsius sui sensûs exstare voluit monumentum, in prægrandi argenteo Anathemate, quod in Obsidionalis Coronæ conformatum effigiem ( 18 ) è STANISLAI appendit Ara? Vel si per te, piissimi prudentissimiq; Cives, cui suam deberent fortunâ, ignorabant; tu unde nôsti, nescio cui alteri quàm STANISLAO debuisse?

Sed quorlum ista contentio, cùm apud

[ 17 ] *hist. Coll. Leop. S. J. p. 240. 241. \* (18) ead. hist. p. 243*

240

*ē communi  
civium sen-  
su,*

*& factu*

*ad obere-  
ctatorem*

*nullum de  
hoc dubiū.*



eos ego verba faciam, qui in communem hac de re Majorum suorum sensum concedunt toti? Quibus tam exploratum est, eos ipsos Majores suos, istum de STANISLAO sensum aliis quoque tam luculentis fuisse testatos factis; ut nullū prorsus dubitandi hac de re locum reliquerint?

*probatio  
ex aliis,  
qua postea  
eveniēre.*

Nam quæ illa, quæso res fuerat, quæ imminente rursus, post triennium fere, obsidione aliâ, ad tantam illos erga STANISLAUM suum animârat fiduciam; ut illius tutelam & gratiâ nullis non pietatis officiis demereri contenderint: siquæ hanc obtinerent (utî obtinuisse eventus docuit) aheneo se se defendi murō crederent? Ubi enim de propinquante rursus ad Urbem obsidendam hoste (19) haud dubio rumore est cognitum; instituta illico sollemnis ad STANISLAUM Aram supplicatio, ob totius quidem confluxū Civitatis numerosissima; ob ardentissimū verò Numinis per KOSTKAM placandi studium devotissima. Ducebant longissimos supplicantium ordines (20) gemini Urbis Antistites, Romani alter Ritūs,

*rursus  
timetur  
obstatio.  
supplicatio  
publica in  
honorem  
Divi à duobus  
Archiepiscopis  
deducta*

\* (19) Anno 1652 \* (20) ead. hist. p. 245. 246.

al-

alter Armeni. Illi, ut Pontificiō fulgebant cultu, ingressi Templum, atque ad STANISLAUM Aram affusi, periculum ei exponunt lacrymabundi: singultibus quàm verbis potius implorant opem. Adeffet clientibus: imminens averruncaret incendium: restincto prius, quem jure se commervuisse agnosceret, Divini furoris igne. Urbem totam, illius se commendare tutelæ: quam si (utî sperarent) experirentur etiam, TOTAM LEOPOLIM ÆTERNUM STANISLAO DEVOTAM FORE. Excepit Vota Præsulum primū lacrymabilis cæterorum contestatio, quæ (Deo SUPERISQUE OMNIBUS in ejus rei testimonium evocatis) idem omnino velle, idem vovere omnes acclamârunt. Mox ubi se ejulatus remisit, atque ab humo (nam humi plerique omnes se se abjecerant) udos lacrymis erexere vultus; Magistratus Urbani prægrandem (21) purissimi argenti tabulam, eodem inscriptam votō, offerunt Archi-Præsulibus: utq; S. P. Q. L. nomine, è KOSTCÆ Ara hoc Anathema pendeat, exposcunt supplices.

*fervor ar-  
rantium.*

*devotæ sē  
urbis Divæ*

*anathema  
ex Ara ap-  
pendit.*

(21) hist. Coll. Leop. S. J. p. 245. 246.

E2

O exi-



*experitur  
mirabilem  
Divi opem*

O eximiam piissimorum Civium in Patronum Protectoremq; suum pietatem! sed o luculentum simul Patroni hujus beneficium! Jam fere ad mœnia propinquans hostis, tam repentè aliò cruentos vertic impetus; ut cum nubem grandine fulminibûsq; foetam violentus excepit turbo, & vel difflavit, discerpsitq; in partes pestem; vel in avia delatam loca, citrà noxam mortalium effundi fecit. Et certè tam repentina illa avarissimarum belluarum à muris pæne Urbis abscessio prodigii non carebat specie. Quis enim non jure referat in prodigia, si rapacissimus harpyiarum exercitus, nullò imminentis à tergo hostis percussus metu, opimam ac inermem, repentè prædam deserat?

*Iterum.*

Uñ autem imminentem hanc cladem, non citrà prodigii speciem propulsavit à suis STANISLAUS; ita deinceps quoque, cum barbaro Turcarum furori omnino jam cessura in prædam videretur LEOPOLIS, luculentis eam prodigiis vindicavit. Res post vicenos fere quater-nosve à Cosarica illa obsidione annos ( 22 ) ita contigit. Capto illo totius Polo-

( 22 ) Anno Xpi 1672. 19. Sbris.

*nia*

nia, imò Christianitatis propugnaculò, CAMENECO, quasi ingens diluvium rupto aggere, infusi in Russiam ulteriorè barbari in ipsa jam Regni viscera grassabantur. Iugulabantur cives: solo æquabantur Urbes: spoliabantur Tempa: profanabantur Sacrosancta Religionis Mysteria: nullum crudelitatis, nullum flagitii, nullum sacrilegii præteribatur genus. Ubique cædes, ubique incendia, ubique extrema omnia calamitatum genera.

Huic verò arcendo diluvio nihil usquam erat obstaculi præter Leopolim. Illam igitur eò furiosius oppugnare instituit ferox hostis; quò fidentius fuit ausa resistere. Excidium illi destinat: ultimam edicit stragem: locum ipsum, si possit, aboliturum se se jurat. Quæ rursus contra tam furiosum tamq; potentem hostem quærant præsidia Cives miseri?

*Quem vocet Divum populus, ruentis  
Imperi rebus? prece quâ fatigent*

*Ordines Sacri [ liceat sic mutare ] minùs  
audientes Carmina Cælos? ( 23 )*

Iterum ad STANISLAUM confugitur. Ille Propugnatoris Exercitus Imperator legitur: illi ardentissimè supplicatur. Illi-

( 23 ) Hor. ode 1.

us

*Turca ca-  
pto Camene-  
eco Rus-  
siam in-  
undant.*

*ſerviunt.*

*ad Leopoli-  
m accedunt; obſi-  
dent.*

*Urbs in  
Divi tutelam con-  
cedit.*



*Votum pro  
pluvia, ad-  
cohibendas  
hostiles ma-  
chinas.*

us sacræ effigies promœnibus obsessæ ur-  
bis hosti objicitur. Votū interea à mul-  
tis concipitur (24) certas ei quotidie  
persolvendi laudes; si perpetuûs pluvii  
cœli imbribus machinarum hostilium fu-  
rorem inhibeat. Hîs enim violenter con-  
cussi lababant muri: hîs dejiciebantur  
turre: impetebantur templa: fulminaban-  
tur discerpebanturq; medio etiam in fo-  
ro Cives. Ab his nihil usquam immune:  
nihil integrum: securum nihil. Harum o-  
pe deferebant ferale incendium globi i-  
gnei, & latè per tecta dispergebant. Ni-  
hil suppetebat remedii, præterquam si vi-  
olenter plueret.

O facilem suorum in vota STANI-  
SLAUM! Factum quidē aliquando, acce-  
pimus; ut Rhodiorum Urbs à Demetrio  
(quem *Expugnatorem* dicebant) obsidio-  
ne cincta, bellicisq; contrita machinis, nè  
ab injecto demum [quod parabat Deme-  
trius] periret igne, Protogenis depictam  
penicillō perelegantem tabulam pro mœ-  
nibus hosti objecerit. Partūmq; tum ab  
hoste rebeli Urbi; (25) ut pulcherrimæ  
parceretur imagini. Quid tamen est ta-

(24) *hist. Coll. ubi suprâ. fuitq; conceptum à Nostris in  
Collegio* \* (25) *Plin. hist. nar. l. 35. c. 10.*

bulæ illius gloria, ad mirificam Urbis isti-  
us servatricem KOSTCÆ imaginem? Perierant quidem Rhodii, nisi imago  
Protogenis; et perierant pariter Leopoli-  
enses, nisi imago KOSTCÆ defendis-  
set. Verū cū Rhodios nollent quidem,  
at posset; Leopolienses contrā, ut vellet  
maximè, perdere tamen haud quaquam  
posset potentissimus alioqui furiosissimūq;  
hostis: suam Rhodii debuerunt salutem  
moderationi victoris & clementiæ, at su-  
am Leopolienses & salutem & Urbem de-  
bent luculento STANISLAI prodigio.  
Ingruunt enim repenti violenti & per-  
petui è cœlo imbres: nec pluere abssistit  
tamdiu; dum in desperationē expugna-  
dæ Leopolis agatur hostis. Nam quō ex-  
pugnaret pactō, quam propugnabat è cœ-  
lo, imò nec oppugnari sinebat KOSTKA?

Qui tamen ademptum sibi robur o-  
mne agnoverat, ad fraudes atque stro-  
phas conversus, iis saltem se se pugna-  
tū felicius credebatur hostis. Cogitur  
è primariis barbarorū ducibus infandū cō-  
cilium: expugnatur in eo pæne, capitūq;  
Leopolis, post ferreas æneasq; machinas

*impetratur  
pluvia.*

*hostis à vi  
ad fraudes  
vertitur.*

*Consultat  
frequenter.*



aureo dein oppugnanda ariete. Ita quippe bellicus ille barbarorum senatus decernebat [26] Actum de Urbe erat, nisi cæcum exitium partim disjecisset per se; partim Cives de eo admonuisset KOSTKA. Primum enim aspectabilem Divini cujusdam Adolescentis indutus formam, admirabili paucorum verborum efficaciam persuadet propugnatorum Ducibus, conjiciendam in nefandum illud barbarorum concilium vim ignitorum missilium. Mox eadem cœlesti facundia evincit apud Veteranos Heroës tener (ut tum ferebat vultu) atque ignotus puer, ut suam ipse manu igneam illam in hostes effundat tempestatem. Acquiescitur: erumpit vis ingens ignium telorumque in consultantem hostem: fit magna in eo strages: pars eodem, quo confederant, discerpti loco: pars fœdati prostratique vulneribus: pars metu examinati diffugiunt. Dixisses (si joculari in re seria colliberet) barbarum Senatusconsultum illud per discessionem factum Romano more: ita pars fere altera consultantium è vivis tum discessit ad inferos

(26) P. Gzowski fol. 3, ubi supra. P. Kowalicki, kaznodzieja oświeceny.

At

At cœlestis ille Poliorcetes momentò, & in oculis planè omnium, oculis obtutibusque omnium se subduxit.

Nec tamen fracti infortuniò barbari minuerunt audaciam: nec eam vicissim barbarorum contentus strage, tutelam obfessorum deseruit STANISLAUS. Oppugnant illi aurò venales quorundam propugnatorum animas, & expugnant. Paciscuntur grandi summam pecuniæ proditionem nefariam: appenditur proditoribus præsens aurum: in medium sequentis noctis proditio scelerata condicatur: ab infanda nundinatione salutis publicæ ita disceditur; ut proditores quidem aurò saturi, hostes spei funestæ pleni, digressi fuerint.

Perieras Urbs miserrima! nisi fideliorē pro communi salute excubitorem habuisses KOSTKAM. Is primam fere decretoriam illius noctis vigiliam visendum se rursum præbet nobilissimo fortissimoque; Viro Martino Kątski, tum quidem Urbani præsidii Archistratego, deinde verò Cracoviensi (quem dicimus) Castellano. Aperit quo loco res sint: de condita prodicione edocet: evadendi supremi infor-

F

cu-

hostis cor-  
rumpit au-  
rò aliquos  
è præfidi-  
ariis.

inducat præ-  
dictam pro-  
dicionem  
Divus.

disturba-  
tur à Di-  
vo barba-  
rum concilium.



tunii rationem fuggerit, atque in auras  
momento abit. Sistuntur illico, quæ suo  
sonitu signum erant datura hostibus, ho-  
rologia: mutantur indicatæ à STANI-  
SLAO excubitores Portæ: quæstioni eti-  
am subjiuntur: fatentur scelus.

*hostis præ-  
vertitur  
eruptione*

At fortissimus sapientissimûsq; strate-  
gus, hostilem impressionem prævertendâ  
ratus, lectissimam Præsidiorum manû  
raptim congregat: adhortatione egregiâ  
singulorum incendit animos: per con-  
cubiæ noctis silentium in hostem educit  
extra mœnia. Proceditur ad suburbanû  
usque Templum Divi GEORGII: ibi a-  
cies ad excipiendum ex insidiis hostem  
disponitur: in armis statur. Interea in de-  
signatam prodicioni horam tertium inso-  
nuere quadrantem horologia: eâ tesserâ  
excitus hostis taciturno agmine è Castris  
movet, & spe ac cupiditate illectus præ-  
dæ, non tam pugnam & arma cogitat,  
quàm victoriam. Observat gressum omnē  
propinquantium, ex inobservatis insidiis  
miles noster: datur repente pugnae signū:  
tonant classica: clamore irruentium, ac  
armorum fragore miscetur cœlum: volan-  
tibus undeque flammis nox in diem

con-

concedit. Exsternatus tam subito pavore  
hostis turbat agmina: mox effuso in Ca-  
stra cursu fugam præcipitat. Instât à ter-  
go nostri, & cædem ac metum latè spar-  
gunt: nec finem faciunt tamdiu; dum &  
cædendi satietas cepit omnes, & receptui  
jussit canere Imperator.

*caditur.*

Ita quò peritura jam erat Leopoli in-  
fortuniò, ex eo illi etiam triumpho materi-  
am KOSTKA præbuit. At hosti barba-  
ro extrema inde victoriæ desperatio. Ita-  
que qui nullam olim componendæ cum  
Urbe pacis, nullam lytri mentionem ad-  
miserat; ultro jam & legatos de pace mit-  
tere, & qualiquali acquieturum lytro nō  
obscurè ostendere. Ergo certis conditi-  
onibus res utrinque transigitur. Redimi-  
tur jacturâ mediocri salus omnium, &  
quos perire brevi omnes oportebat hu-  
manitus; ii divinò beneficiò, ii Thaumaturgi KOSTKÆ tutelâ, non maximò re-  
rum suarum damnò mansere salvi.

*desperat  
expugna-  
tionem.*

*pacem of-  
fert.*

Nec fuere ingrati. Proximè enim se-  
cuta luce (quæ STANISLAO etiam tū  
sacra fuerat, certatim in Templum no-  
strum Urbs tota se infudit. Aderat Cle-  
rus cum Præsule, cum Senatu Populus,  
verbò tota fidelis Leopoli. Atque in

*solvitur  
obsidio.*

*urbs er-  
ga Divum  
grata.*

F2

gra-



gratulationes & laudes KOSTCÆ certatim effusi, gratias suo vindici immortales habere: vota persolvere: liberatorem agnoscere: immortalem beneficii polliceri memoriam: Ambrosianum denique (quem vocant) Hymnum, ad Aram hanc prostrati, lætis vocibus decantare.

Ad ea verò grati priusque; erga KOSTKAM animi officia, non leve attulerunt momentum vel hostes impii. Ubi enim obsidio est soluta; Nobilissimi (ut inter barbaros) lectissimi; eorum Duces, hospitem jam duntaxat nomine (hostilitatem enim omnem pax icta sustulerat) in Urbem, visendi studio, admittuntur. Hic ubi curiosius non Urbana modò quàm publica, quàm privata ædificia; verum sacras quoque profani visunt Ædes; in nostræ quoque Societatis Templum forte fortuna subeunt. Dumque; alia ex aliis, ut se quidvis obtulit, contuentur; ad sacram quoque STANISLAO accedunt Aram, ac venerandam eius conspectam effigiem, vah! exclamant alter ad alterum, hic ille est Gaurorum (ita Christianos appellant omnes) hic ille est istius imprimis Urbis Deus, quem tam infestum nobis vel hæc ipsa

hostes quid  
fassi.

ipsa obsidione sensimus! [27] Tū ad Cives conversi; huic, agebant, salutem debetis vestram uni. Hic pro vestra quotidie contra nostros assultus pugnavit Urbe. Hunc promœnibus turribusque; vestris nullo fere non die conspeximus: invictum sensimus: extimui. Quod si, pergebant porro, ex aliis detractum Aris Templisque; vestris, aurum nobis argentumque; est pensum lytri nomine [ut ex vobis ipsis, cum id penderetis, agnovimus] id quidem libenter accipimus: quod nos eò liberè securè; speremus fruituros. At [28] videte, inquebant; videte, oramus etiam atque etiam; nè quid è DEI ISTIUS detractum Ara, nobis detis. Finem alioqui ille vindicandi non fecerit: utque; infestus ubique nobis est, nullam non cladem nostram suam sarcire jacturam æternum contenderit.

Hæc palam barbari: quorum invitaveritatis confessio tantò existit probatior; tantò ab adulandi suspitione remotior: tantò autem ab hac labe remotior; quanto superbior & iratior; tantò à Christi-

[27] P. Wieruszewski in Elogiis heroicis, p. 89. 90. & P. Kowalicki, ubi supra, p. 330. \* [28] P. Wieruszewski ubi supra.  
anis



anis Sacris abhorrentior animus confitem-  
tium.

Ita tunc ex hoste ipso est cognitum,  
quis ille Divinus Puer esset, qui tam præ-  
sentem Leopoliensibus tulisset opem. Ita  
beneficium sui Vindicis agnovêre Leo-  
polienses devinctissimi.

oratoris  
querela.

solatium.

At heu me! qui rem seculorum dignā  
memoria, tam jejunè & parcè delibatam  
cogor relinquere! Imò, qui alia quoque  
amplissima, cùm in commune collata, tū  
privatim quàm plurimis Leopoliensibus  
per KOSTKAM præstita beneficia (tem-  
poris exclusus angustiis) nè delibata qui-  
dem adigor præterire! Sed adigor tamen!  
parendum necessitati est. Erunt fortasse  
olim; qui, quæ ego seu non satis magni-  
ficè commemoravi gravissima; seu silen-  
tio involvi innumera; felicius ex hoc lo-  
co proponunt Oratores. Sufficiunt verò  
illis uberrimam pulcherrimamq; hanc ma-  
teriem exempla innumera; quæ partim  
publicis consignata Actis historicorumq;  
commentariis, partim votivis contestata  
tabellis; partim vivis expressa coloribus  
ubique exstant.

Quot enim hac una de re sive jurata  
te-

testimonia in sacris Consistoriis, sive Cō-  
mentarii in bibliothecis, sive votiva A-  
nathemata pro Divi Ara, sive spirantes  
& pæne vivæ imagines non intrā concla-  
via procætonésq; solū: verū pro exti-  
ma quoque tot ædium ornatissimarum  
facie! Hæc verò omnia si vel obiter quis  
percurrerit; nullum miseriæ infortuniq;  
genus repererit, cui prodigiosa STANI-  
SLAI beneficentia non plenam miracu-  
li opem tulerit. Restituit [ 29 ] enim im-  
becilles, & languentes innumeros, viri-  
bus & vigori: inutiles & membris captos  
pristinæ integritati: amentes rationi: mœ-  
rore obrutos serenitati animi: abstractos  
in servitutem sive dæmonū, corpora ob-  
sidentium; sive barbarorum, compedibus  
catenisq; complures retinentium; antiquæ  
libertati. Subvênit præsentī pecuniâ, gra-  
vatis alieno ære: conciliavit capitali dis-  
sidentes odiō: eduxit in littus naufragos:  
ad vitam moribundos & mortuos revo-  
cavit: ruentes ex alto in præceps, suis in  
aëre, nè colliderentur, excepit manibus.  
Quod postremum prodigium cū (30)

privatū  
Divi bene-  
ficiorum  
monumēta

eorundum  
multitudo,  
varietas.

[ 29 ] hæc omnia collegit P. Nicol. Oborski, ubi supra, ex  
Proseſſu Canoniz. factō in Archidiazcesi Leopoliē. \* (30)  
ut videre est apud eundē. olim



olim pluries; tum novissimè ante haud multos annos in Wilczkorum patratum Familia non memoriâ modò tenent quâ plurimè; verùm oculis quoque usurpamus omnes, quotquot publicum ejus rei monumentum pro Familiæ ejusdem Ædibus intuemur propositum. Rei tum gestæ seriem, ultra exquisitam picturam, adjecta quoque epigraphe ita exprimit.

TERESSIA DE ZŁOTOROVICHIIS  
WILCZKOWA, EX FENESTRA DOMUS  
ISTIUS IN SAXA PLATEÆ DECIDIT,  
CEU IN MOLLES ROSAS. NON COL-  
LISA, QUIA SUPPEDITAVIT MANUM  
SANCTUS KOSTKA, PALLIUM PRO-  
TENDERE CADENTI VISUS.

Quod quidem plenum prodigii beneficium etsi palam, ac totâ pæne inspectante Leopoli, ea recepit Familia; quò certior tamen miraculo constaret apud Exteros Posterósque, fides, diligentissimè in rem totam inquisivit sacrum Officium: confirmatamque iuratis gravissimorum Civium testimoniis pro ea, quâ in rebus ejusmodi pollet Authoritate, non ab omni

ni solummodò suspicione absolvit mendacii; verùm in luculentis quoque habendam prodigiis declaravit.

## P A R S II.

### LEOPOLIS ERGA STANISLAUM GRATISSIMA

O Te tantò fortunatam Patronò, Urbs pulcherrima! Quanquam quid ego tam profusam in te Thaumaturgi istius demirer beneficentiam, quam tot ac tantis emeruisti tu pridem tibi, & emereri etiamnum non cessas officiis? Quid enim non egèrunt hactenus Cives piissimi, quid non agunt hucusque, ut gratissimos se probent STANISLAO?

Externam Cultûs illius pompam quàm egregiè cum privatim, tum publicè quoque sustinent? Internam (quæ potior est Divorum honoratio) animi erga illum devotionem quibus non palam faciunt argumentis?

Et primam quidem illam dulciæ rationem, quàm exquisitè, quàm in pensè (nè

G

di-

*Civium li-  
beralitas in  
ornanda  
Divi Ara*



*mereturq;  
id Loci hu-  
jus religio*

*Regum ve-  
neratio in  
eundem lo-  
cum.*

dicam, profusè) Tutelari persolvunt suo, vel hæc sola gratiosissima illius Ara luculenter commonstrat. Quot enim votiva ad illam Anathemata? quot perennes gratissimi animi testes tabellæ argenteæ? quot gēma pretiosissimæ? quot annuli? quot coronæ? quot alia pretiosa donaria? Quot cordiū, quot oculorū, quot manuū pedūmve effigies, salutis vel servatæ indicia; vel recuperatæ documenta? Quid memorē cerea donativa? faces? lychnos? funalia? quid floreas corollas & sarta, quotidiana fere per æstatē munera?

Jure verò id quidem, meritòq; vos facitis Cives optimi. Meretur sanè à vobis locus iste sacerrimus, meretur ab omnibus tantā religione coli; siye obtenta isthïc prodigiosa beneficia, siye eximia quædam summorum hominum exempla inruemur. Nam ut attracta jam nonnihil beneficentissima STANISLAI prodigia, magnam partem ad Aram hanc patrata præteream; Serenissimi Inviētissimiq; Reges Poloniæ JOANNES CASIMIRUS, MICHAEL KORYBUTHUS WISNIO-WIECCIUS, JOANNES III. SOBIESCIUS, non KOSTKAM modò universè, verum speciatim quoque hunc locum, hanc illustrem prodigiis Leopoliensem il-

lius

lius Aram tantā semper, tamq; luculenta pietatis significatione coluere; ut si desissent alia, vel sola hæc illustrissima singularis erga locum hunc religionis exempla, à sapientissimis Sanctissimisq; Regibus constanter palamq; edita, summam ei conciliare apud omnes possint reverentiam. Certè inviētissimus JOANNES CASIMIRUS (quò unò Principe nemo Polonus Rex cum pluribus simul potentioribúsq; hostibus, nemo diutius, nemo fortius pro salute Reip. depugnavit) is inquam Princeps nihil habebat antiquius; quàm ut suam, afflictissimiq; per ea tempora Regni sui fortunam, in ipso pæne ingressu Regalis solii, STANISLAI tutelæ, hoc ipso loco (31) commendaret. Id quod Serenissimus quoque MICHAEL KORYBUTHUS totò fere, quò sceptrum Polonum tenuit, temporis intervallò tam sæpe tamq; constanter egit; ut egisse perpetuò videri possit.

Quid verò de illo non tam Triumphatore, quàm Fulmine barbarorum; nec Patriæ solum suæ, verum Romani quoque Imperii, Christianitatisq; glorioso Vindice, quid, inquam, dicam de Magno JOANNE SOBIESCIO? Egressus

*Joannis  
Casimiri,*

*Michaëlis*



*Joannes  
III. uti vi-  
toriarum  
amplitudi-  
ne, ita &  
pietate in  
Divum  
hunc, & lo-  
ci hujus ve-  
neratione,  
ceteros su-  
peravit.*

ille non Regum modò Polonorum; ve-  
rùm omnium ferè ( qui debellandâ Tur-  
carum tyrannide immortalem sibi com-  
parârunt aliquando gloriam ) egressus,  
inquam, longè est tam fortitudinem, quâ  
fortunam Heroum: ex quo tam multis  
magnisq; cladibus totam ferè non trium-  
phavit solummodò; verùm pessumdedit  
obtrivítq; barbari Orientis potentiam.  
At idem quoque Achilles Christianus  
omnes retro Polonos Principes ( etsi ma-  
ximos STANISLAI Cultores ) eximiâ  
imò incomparabili in Divum hunc reli-  
gione, longissimè est egressus. Nihil tamè  
de aliis religiosissimi istius Principis in  
KOSTKAM officiis hoc loco dicam. Præ-  
teribo silentiò ardentissimum illud studi-  
um, quò apud Romanam Sedem institit  
Rex pientissimus, ut in Sanctorum nume-  
rum cooptraretur KOSTKA. Omittam  
dicere, quâ curâ, quâ contentione egerit  
apud eandem Sedem; ut idem Divus, pro-  
ut suò jam erat meritò, ita Principes Pri-  
mòsq; inter Patronos Regni, Romanò  
quoque oraculò primus esset. Id unum  
dicam, quâ ille religione coluerit, qui-  
bus Regiæ pietatis collustrârit exemplis,  
quibus ornârit donariis hoc ipsum Leo-  
po-

póliense KOSTCÆ Sacrariũ, hanc pro-  
digiosam Aram, gratiosam hanc imagi-  
nem STANISLAI. Quanquam hinc quo-  
que gradum refero: nè istud quidem di-  
cam totum, nisi longissimas Vobis è Col-  
legii istius nostri Annalibus recitare hi-  
storias molestus velim. Unum igitur al-  
terúmve ex plurimis non tam dicam,  
quàm innuam. Pientissimum videlicet Re-  
gem istum, pro quavis pæne victoria ( quot  
verò victoriæ, primùm Copiarum Regni  
Duكتورis, mox Regis quoque JOAN-  
NIS erant! ) hoc ipso loco supplicâsse  
KOSTCÆ. Supplicationes verò ejusmo-  
di præsentem semper cum lectissimo flo-  
re militiæ, totis interdum hebdomadis  
incredibili pietatis exēplo obiisse: appen-  
disse pretiosa donaria: [32] nuncupâsse  
vota: obtulisse Sacrificia: nullum demũ  
religionis officium præterisse. Partâ autem  
de hoste victoriâ, nunquam eam suorum  
seu dexteritati, seu fortunæ Armorum; sed  
uni secundum Deum acceptam referre  
STANISLAO: ad hanc ipsam gratulari  
de illa Aram: verbò, KOSTKANAM il-  
lam, non suam profiteri. Inde cùm ali-

[32] *hist. Coll. Leop. S. J. p. 300. 301. 307. 310. & seqq.*  
quan-



quando memorabili illa ad Chotimū clade delēſſet innumeras barbarorū copias, [33] atque *Opima* [34] victis ſpolia detraxiſſet; non ea, ut jure poterat, è Regiæ ſuæ appenſa tholis, ſuæ ſacravit ſamæ, non ſuæ dicavit Gloriæ, non fortunæ; verū ante omnia ex hac ipſa STANISLAI ſui (cujus ſcilicet pugnāſſet vicisſerque auſpiciſ) Leopoliēſi [35] appēdit Arā. Tum deinde poſt aliquod intervallum temporis Romā iſthinc transferri voluit, ad Sacros STANISLAI cineres æterno Regii in Divū animi futura monumento. O locum & ſuis prodigiis, & tantæ pietatis exemplis Venerabilem! Quā jure igitur meritòq; , ut dixi, tantam ei Religionem, tantos impendis cultus, fortunatiſſimū hōctuō Palladiō Leoburgū!

Non tamen unius ſacelli hujus anguſtiis ſuam erga STANISLAUM pietatem circumſcribi patitur Urbs ampliſſima. Latius pæne illius (ſi qui ſunt) fines, quā vel ſua profert pomœria. KOSTKANAS illa imagines pro utraque affixit Porta: cū ideo, ut declararet, cui maximè excubitori ſe ſuamque ſalutem crediderit; tum verò ut nemo illam

\* [33] *Annō 1672.* \* [34] *Romanis Opima Spolia erant illa, quæ Dux ipſe, hoſtiū Duci à ſe interfecto detraxerat. Roſin. Antiq. l. 10.* \* [35] *hiſt. Coll. pag. 200, 301.* cui

alia urbis  
in Divum  
non publicæ

ingrediatur extraneus, qui non illico inquilinos & Cives ſuos ex toto in STANISLAI tutelam conceſſiſſe perſpiciat. Imò verò pro altiffima quoque turri Curia, ſublimis eminet KOSTKANA effigies; ut non cominùs modò iſta videant, qui mœnia portāsque ſubeunt; verū è longinquo etiam atque eminùs proſpectent omnes: NEC VIDERI A QUOQUAM POSSIT LEOPOLIS, NISI DEVOTA, STANISLAO

Privatarū verò ædium quotamquamque reperiās, quæ non pro Laribus & Penatibus Koſtkanam iconem veneratione colat eximiā? Ubi autem ſacrata STANISLAO dies appetit, quot ubique publicæ ſigna lætitiæ! quot paſſim devotiſſimi animi documenta! Feſtis ignibūs non publica modò turris; verū privatorum quoque collucent ædes. Pro foribus, pro fenestris proponitur imago Divi; & ſertis exornatur pulcherrimīs: colluſtratur faculis: feſtivō ubique pæane celebratur.

Is tamen Divorum cultus, quem & in animi devotione conſiſtere, & multò Divis ipſis gratiorem dixi accidere; ſapientiffimis quoque Civibus multò exiſtit potior. Iſtud autem quibūs jam ego verbis aſſequar? Nam quæ ſacundia tenerrimo illi erga Divum amoris, filiali pæne fiducia, eximia reverentiæ (quæ ſin-

tum priva-  
ta officia.

Egregiū in  
civibus er-  
ga eundem  
animi af-  
fectus.

gulo-



*pia exerci-  
tia ante  
Festū Divi*

*eadem ipso  
Festō,*

*eadem sub  
occiduum  
Divo sa-  
crum, ur-  
bis nomine*

*Peroratio*

gulorum corda occupant) exprimendis sufficiat.  
Factis ista multò luculentius declarant illi, quàm  
oratio possit ulla. Apud non paucos pulcherri-  
mus usus obtinuit, ut anniversariā Divi lucē no-  
venis aded ipsīs præveniant hebdomadibꝫ harū  
singulos Martis dies religiosius obeunt: sacrā se  
Exhomologesi expiant: Cœlesti accumbunt Epu-  
lo: solitas producunt preces: ante hanc ipsā STA-  
NISLAI Aram venerabundi procumbunt, eiq; tū  
pro acceptis grates referunt amplissimas; tum ul-  
teriora exposcunt beneficia. Id quod ritè sapien-  
térq; suscipiunt, novenos illos Menses, quibꝫ in  
Societate Jesu, militaverat Stanislaus, novenariò  
hòc veneraturi numerò.

Sed ubi jam dicatus STANISLAO affulsit  
dies; quanto ardore animi, quanto pietatis sensu  
hæc ipsa religiosa exercitia Civitas obit tota!

Neque his tamen omnibꝫ satisfactum à se of-  
ficio putant suo: quòd talia cum Advenis quo-  
que ac Extraneis habeantur cōmunia eo die. Itā-  
que septimò rursus die omnes ad unum conveni-  
unt Cives piissimi, & seorsim ac soli ea ipsa ite-  
rum persolvunt officia STANISLAO. Ardent  
pro Divi Ara, numerosa funalia: Votivum Urbis  
nomine Sacrum peragitur: illi ipsi (ut adsunt  
frequentissimi) jam præstita sibi beneficia grato  
revolvunt animo: jam præstanda deinceps, suppli-  
cabundi expetunt: jã totos se in clientelā KOST-  
CÆ profitentur concedere.

O dignam tantā beneficentiā gratitudinē! O pietatem  
Patrocinio tanto non imparem! o Divorum cultum, in reli-  
gionis exempla omnibus proponendum! Pergite Cives am-  
plissimi, pergite istis officiis demereri vobis Cœlum! non  
finet illud liberalitatem erga vos suam vestris esse parciore  
promeritis. Non patrocinii à Vobis suū desiderari unquā  
patietur Kostka; si quā cœpistis pietate, pergatis cum il-  
lo decertare.



